



تاریخ وادست

حاجه ۱۳۳۶

محقق علی

سنه : ۱ ۳۰ نيسان ۱۳۳۴ عدد : ۲

شهزاده بايزيدك پدرلری قانونی سلطان سليمان خان حضرتلرینه
ارسال ایلدکلی تضم غنامه در [۱]

ای سراسر عالمه سلطان ، سلیمان بابا
تنده جانم جانك ایچنده جانانم بابا
بايزيدكه قیاریسك بنم جانم بابا
بی کناهم حق بیلور دوللو سلطانم بابا
اندیا سر دفتری یعنی که آدم حقیچون
همدخی موسی ایله عیسی مریم حقیچون
کاشانک سروری اول روح اعظم حقیچون
بی کناهم حق بیلور دوللو سلطانم بابا
سانکه مجنوم بکا طاغیر باشی اولدی طوراق
آریلوب بالمله مال و ملکدن دوشدم ایراق
دوگرم کوز یاشنی واحسرتا ، داد ، الفراق
بی کناهم حق بیلور دوللو سلطانم بابا

[۱] شهزاده بايزيد، شهزاده جم و شهزاده فورقودکی شعرای شهزادگان
خاندان عثمانیه دندر مخلص نجیبانه لری (شاهی) در ترکی و فارسی ایکی عدد
دیوان اشعار بلیغانه لری و متفرق بعض آثاری و بر کتاب ظهرنده خط دست
عارفانه لری ملت کتبخانه سنده موجود در معارف پرور بر شهزاده اولدیغندن نام
نامیلرینه بک چوق کتابلر تألیف و ترجمه اولمشدر .

کیم سکا عرض ایلیه حاتم ایاشاه کریم
 آنادن قارداش لرم دن آیریاب قالدم یتیم
 یوق بنم برذرده عصیانم سکا حقدرد علیم
 بی کناهم حق بیلور دولانو سلطانم بابا
 برنجیه معصوم اولدیفن شها بیلیمز میسن [۱]
 آنلرک قانیه کیرمکدن حذر قیلیمز میسن
 یوقسه بن قوالیکله حق درگاهنه واریمز میسن
 بی کناهم حق بیلور دولانو سلطانم بابا
 حق تعالی کیم جهانک شاهی ایشدر سنی
 اولدروب بن قوالیکی کولدرمه شامهم دشمنی
 کوزلرم نوری اوغللرم دن آیرمه بنی
 بی کناهم حق بیلور دولانو سلطانم بابا
 طوته لم ایکی الم باشند باشه قانده اوله
 بوشلدر سویلنور کیم ، قول کنه ایتسه نوله
 بایزیدک صوجنی باغشله قیمه یوقوله
 بی کناهم حق بیلور دولانو سلطانم بابا



پدرلری قانونی سلطان سلیمان خان حضرتلرینک جوابی [۲]

ای دمامم مظهر طغیان وعصیانم اوغول
 طاقیان بویننه هرکز طوق فرمانم اوغول
 بن قیاریمدم سکا ای بایزید خانم اوغول
 بی کناهم دیعه باری توبه قیل جاتم اوغول

[۱] شهزاده بایزیدک درت بخدوم معصومی ایرانده کندیسيله برلکده شهید
 ایدلشلردر بیوکه اولان بخدومی شهزاده اورخان نامنه تألیف اولنمش برکتاب
 ملت کتبخانه سنده موجوددر .

[۲] قانونی سلطان سلیمان خان حضرتلرینک نفیس الانفس اوچ عدد ترکی
 و برده فارسی دیوان اشعار شاهانه لری و متفرق دهها بعض آثار تاری ملت کتبخانه سنده
 موجوددر و مرحومه عاده سلطان طرفندن باصدیریلان بر قطعه ترکی دیوان
 اشعاری ده بین الناس متداولدر بعض اعظام علما و رجاله اهدا بیوردقلری کتابلرک
 ظهرینه - شیمدیکي عادت کبی - خط نفیس لریله کندی طغرائینی تحریر ایدرک
 اوپله اهدا بیورلردی بو قبیل کتابلردن بر نسخه نفیسه ابوالسعود افندی
 حضرتلرینک خطی و سلطان مشارالیهک تحریر بیوردقلری طغرای غرا ایله
 موشح اوله رق ملت کتبخانه سنده زیور قفس تعظیمدر .